

D' Lütt händ oarndtle viel scho zwungo  
mitanand im Riod.  
Los! Eotz lütt as 's Beatt<sup>1</sup>)! 's Glöggle heat  
hüt sa gspässig tüont und gsungo,  
singt a Toto-Liod.  
Fuort a fuort di gliilig Notto<sup>2</sup>):  
„Gang zur Muottor, Otto!-n-Otto!“  
tuot bim Schwingo 's Glöggle singo.

Zmol rüoft Otto-n-aso stifa<sup>3</sup>):  
„Luo, dött uf dämm Bomm,  
Franz, eotz luog doch ou, Franz, hai, schoul  
Hörst do Toto-Vogol pfifa,  
Gägesto<sup>4</sup>) dött omm?  
Gweoß heat's d' Muottor numma reachta<sup>5</sup>),  
gweoß heat's d' Muottor eabba schleachta,  
ih muoß zöü-or, bio-n-e bei-or<sup>6</sup>)!“

„O du halbvarruckta Spionnar“,  
härat<sup>7</sup>) Franz eotz wild,  
„Gloubst a ganze Big Goastar-Züg!  
Häxa siohst, sagär do Brionnar<sup>8</sup>)  
dunn am Frörrar-Bild<sup>9</sup>),  
und am Pfellar-Pfifar bseasso  
heast gad gär do Narro gfreasso,  
gloubst was Wundor allo Plundor.

Zerst tuond mior eotz feortig macha,  
d' Muottor ist gweoß gsund,  
und si meolkt ou Kuoh, muost nid huo;  
feortig siom-mor, as't zum Lacha<sup>10</sup>),  
i-n-ar halbo Stund.“ — —  
Otto wartat druf ko Wile<sup>11</sup>),  
seit ou Franzo-n-alle Füle<sup>12</sup>),  
abor hitzig ist nid witzig<sup>13</sup>).

Buobo tuond voar Wuot gad schumma,  
packad fest danand<sup>14</sup>),  
Otto, tuot an Stroa, Franz an Schroa,  
litt am Bodo, regt se numma,